

台州文獻叢書

上海古籍出版社

喻長霖等 編纂

台州府志

長霖

九

卷一〇五至卷一二四

台州府志卷一百零五

人物傳六 儒林二

明

郭 楨 子熙 曾孫琿元 徐宗茂 子嗽

吳元亮 葉 黼 應 良 鄭四表

葉 愼 父靈鳳 金克厚 林應麒 林元敍 弟元倫 林貴兆 王若虛光

國朝

洪熙揆 子承澤 王 藻 牟亦珙 沈光邦 趙宗欽 張正宮 張汝化

周 鑑 施濟清 戚學標 宋世榮

洪頤煊 弟震煊 周治平 李 誠 父秉鈞 周楷模 張子春枝 金 鶚 施沈河 斗彬

王映玉 子樹琪 金鷹揚 黃 譙 王 棻

陳 階 黃方慶 陳寬居

明

卷一百一十五

郭櫟字德茂號暢軒其先仙居人瓊筦安撫晞宗後也祖友直父敏夫咸以儒世其家櫟從世

父寬夫遷黃巖松山里

黃友義撰行狀

今隸太平

康熙志

少勤學問比壯特有所悟脫去詞章習由伊洛

上溯洙泗求聖賢用心安居獨居衣冠修整祁寒盛暑危坐終日其所涵養專用靜中工夫視

聽言動一循乎禮士大夫咸仰之其爲教必使收其放心曰收得放心方驗得聖賢言語有歸

著又曰學者若不懲忿窒慾則自家都壞了此大切要處又曰作詩寫字誤了天下多少英俊

父歿會兵荒不克葬十餘年未嘗破顏奉母至孝母疾衣不解帶親爲澡滌凡六閱月手指溼

爛成瘡終不以人代與其兄友愛尤篤洪武四年御史李時可薦授饒陽知縣勸農桑興學校

均田賦平力役表節義毀淫祠境內大治五年夏旱舊俗聚龍像以禱櫟命焚之秉誠默禱天

卽大雨深一尺次年旱蝗薦作櫟上其事得旨蠲振澤及九邑有省檄不便民甚苦之櫟又上

其事廷議避之滿考至京以從兄事坐免邏者察於途囊無長物惟得所著書與詩文一篋爪

髮一束以聞帝嘉其清賜紗幘銀帶寶鈔旌之既歸號台南兀者年六十二卒私諡貞成先生

有詩文數十卷雜評一帙易說未就

行狀

從祀鄉賢祠子熙號退軒博學篤行葉黼嘗從之游卒

門人私諡文康先生

宏治志

從子元亮名煜以字行

光緒志

黃

有文名

台學源流

任新昌訓導著有尙書

該義十二卷文集五卷

康熙志

熙孫琤字端朝號筠心博涉羣書能古文祠尤工於詩著有筠心

存稿

謝鐸撰
墓碣

又輯有郭氏文獻錄遺芳集

淨稿
桃溪

徐宗茂名森以字行黃巖人宗實之弟天資穎特善屬文博究羣經旁及子史百家嘗篝燈讀漢書燼落熟其半默填補之不誤一字尤深於易與兄宗實俱從永嘉史伯璿游得紫陽之傳史奇其才曰昔所謂東甌二徐者今復見之遂呼爲後二徐

楊榮撰
墓碑

洪武間以薦起

宏治志

歷穎

上訓導遷徐聞教諭斥邪說明正學條約嚴謹躬行率士著易說及詩書禮記經義四書辨疑以授學者多所造就諸藩仰之交聘主文衡曹國李公學士劉三吾薦其才學可大用召入侍講經筵多所啓沃帝欲授以大任忽遭風疾墮二齒語音訛謬宗實爲請帝嘆息命典教本邑以奉先祀建文三年卒於家年五十五

墓碑

從祀鄉賢祠

乾隆縣志

子獻

墓碑

字廷溫

劉定之徐教諭詩集序

有父

風

墓碑

官新昌教諭以母老未及年卽謝事歸養嘗爲南京同考官老練厚重有文而不伐爲主

試劉定之所重著有汗顏稿定之爲之序

赤城後集

鄭四表天台人學於張以忠以忠學於王伯武伯武爲胡雲峯高第弟子

明儒學案

四表善易餘姚

趙搗謙嘗從之受易

明史趙搗謙傳

台州府志卷一百一十一

項翬臨海人

宏治志

家世業儒隱居十餘載

黃昭孝經述注序

洪武中以薦官江西按察司僉事

宏治志

著

有孝經述注一卷

四庫總目

吳元亮仙居人洪武中為嵊縣訓導沈靜方嚴動必以禮講明正學以開後進及卒與僚友諸

弟子訣整衣拱手端坐而逝

兩浙名賢錄

葉黼字士冕

宏治志

號拙訥黃巖人

劉儼撰墓志

今隸太平

宏治志

又曰作詩寫字誤了天下多少英俊

源敦本黼末一以真知允蹈為務

墓志

嘗從郭熙遊得其父慣性理之學

吳棫七先生傳

慣嘗言敬者

天命所以流行衽席之間一有不敬則天命息矣故黼之學一以敬為本

嘉慶志

平居無惰容

雖盛暑衣冠不苟去身家法嚴正內外肅如居家孝友弟尚夫無子黼與同居共食怡樂終身

命少子原紀為之嗣

墓志

授徒數十人其教以孝弟誠敬為本而文藝次之家故貧然性好施所

得束脩恆以給鄉族之貧者

七先生傳

嘗折衷大學中庸衆說以資學者采摭朱子語錄及黃超然

通義之說附於易本義繕錄未終而卒喜為古文詞一主乎理詩尤冲澹清逸皆有稿宣德六

年卒年五十一

墓志

祀太平鄉賢祠子原徽字允迪號素軒原紀字允仁號一得皆以文學世其

家時號二葉云

七先生傳

允仁子定中才而早卒

嘉慶志

平

應良字原忠

明史儒林傳

號南洲仙居人

鄒守益撰墓志

父昌字克盛少孤事母極孝仕分宜尉

大清一統志

有

惠政祀鄉賢及名宦祠良幼聰睿七歲喪母哀毀如成人

舉正德三年會試因劉瑾擅國歸六年始赴廷試選庶吉士

吳時來圖存集序

與王守仁湛若水友既

有得折節稱弟子與四方豪傑倡學論政務見諸實用

墓志

親老歸養講學山中者將十年嘉靖

初

史傳

御史朱節吳華陳察交薦之與呂楠湛若水同剡起授編修時大禮議起桂萼素厚良欲

墓志

招爲助謝不往

墓

志

伏闕爭廷杖

史傳

尋冊封唐王璽贈無所受以憂歸服闋爲山東提學副使闡

明師教以身爲率逾二年陞河南參政尋調廣西論量田賑荒諸事及阻創狼寨立打手營侃

墓志

然自持惠流於民

墓志

齋表北上張璫桂萼密諭意曰北司成正以遲公良正色曰朝廷官爵可

輕許人邪陞廣東右布政未幾言者抵以他事遂歸

文序

給事中薛宗鎧上疏稱冤極論黨同

伐異之蠹不報良處之怡然家居立祠宇輯家譜以孝弟爲子姓先遇旱躬歷巖嶮祈禱多應

墓志

歲凶力言郡邑奏荒賑恤鄉人賴之良美須髯善談吐慷慨超物表與人交傾肺腑聞一善必

揚之閒居小樓披閱古今劇飲浩歌自得適如也逾七十猶冒山谿拜誠意伯祠下爲贊以表

墓志

夙志郡守廉其食貧欲厚賙之拒謝歸粗衣糲食終其身不變嘉靖二十八年卒著有孝經正

志

墓志

序

人物傳六

三

上海游民習勤所承印

卷一〇五

五

五六七七

台州府志卷一百零三

誤海道經聞善錄闡微錄旌忠錄

志

南洲集

萬歷

縣志

林元敘字典卿號益菴臨海人與弟元倫同舉正德五年鄉試

縣志

元敘師事王守仁得求仁

之旨吏部喬宇知其名薦授解州知州州政頽荒元敘至率耆老問民疾苦政令所不便輒罷

行修學校及城濠民無所擾

續台

藩邸草場軍校殺人匿其尸元敘以計獲之卒置法廣慈寺

僧殺人於井發伏正其辜改寺爲解梁書院以其餘地立社學集諸生日與講明理道州人翕

然奮興

縣志

甫年餘卒

續台

年四十九時修撰呂柟謫倅於解爲治其喪筭中所餘俸金僅四

十白於上官賻贈以歸其櫬

縣志

元倫字彝卿號頤菴久困公車下第南旋鄉人王宗元同舟

染疫衆咸引去元倫獨留調護爲治其後事選延平通判初尤溪有田氏地險族蕃嘯聚爲盜

久莫能治元倫以計悉擒渠魁獲餘黨略盡以其地遠威令難及建議分立縣治名曰大田民

立祠祀焉時徐階以編修出爲郡司理相與講學著學則養蒙說新泉問辨錄以啓後進

蔡雲撰

志釐訂鄉飲酒禮巡按下爲諸郡式擢滁州知州

續台

下車值亢旱禱於柏子潭白龜浮出大

雨如注咸以爲誠感滁孔道痛裁迎送費忤權貴弗恤

志

昭聖后梓宮舟行返葬承天有剏議

從陸者扈從大臣冀利已將從之元倫以江北道險隘非夷民居城牒不可費勞萬狀不獨滁

人爲病力爭之曰必欲從陸非疏聞不可大臣爲吐舌而議竟寢

黃宗沐撰墓表

庀黻舍修志乘諸所

因革悉中時宜當道交薦以述職行童叟攀臥不肯舍元倫素游王守仁湛若水之門故所至

有實政

滁州志

陞承天府同知道出泗州適巡按新至以其不之謁啣焉言其枉道回籍論罷歸

而遺落世故日以易自課嘉靖丁巳卒年七十一著有閩遊守滁湖湘歸田諸錄虛受觀頤應

酬諸稿

墓志

葉慎字允修號恆陽太平人父靈鳳

林應麒撰墓志

字昌詔官新城教諭課諸生有程度爲督學所重

聘典四川文衡精校閱宏治十五年成進士嘗詣謝鐸觀案上書籍曰了此庶無負矣尋授南

京刑部主事以憂歸卒

嘉慶縣志

慎生十餘歲而父歿乘喪變羣侮蜩集慎處之裕然長補諸生厭

舉業從王守仁於會稽得聞良知之旨躍然曰是矣是矣聖人決可學而至也時有以隨處體

認天理爲教者又有以洗滌心垢爲教者慎曰理非外鑠心本無垢其超悟自信類如此同門

皆敬慕之自以爲不及性剛直肯面折人過而胸無城府未嘗逆詐居常以玩物誇多爲戒然

學最精博與人往復辯難各徹底蘊使之心服乃已平生薄名譽爲文不蓄稿嘗曰詩不理於

性情雖逼真二南猶爲淫辭又云訓詁辭章功業氣節皆吾道中事近來悉以此資利達其設

心慘於申韓孫吳乃更摺撫羣言自稱著述期以欺世飾奸哀哉嘉靖四十三年卒年七十七

墓志

金克厚字宏藏號竹峯仙居人

康熙縣志

尚志砥行困於科舉聞王守仁之學往事之篤信力行若

水趨壑

應大猷送人六合序

嘉靖元年守仁父華卒使門人子弟紀其喪因材分任克厚得監廚是年

舉於鄉明年成進士語人曰我學得司廚大益且私之以取科第耳

姚江淵源錄

授六合知縣應大

猷爲序送之勉其推是心以行是政

容庵集

後行取入都歷郎中以廉潔稱尋卒

康熙縣志

林應麒字必仁號介山仙居人幼穎悟喜吟詠爲文嶄拔律卒與時輩迴絕

康熙縣志

每議論天下

事尙書應大猷試與語答辯如響反爲所拄大奇之引爲忘年交應良稱人倫鑑嘗爲第二女

擇壻一以妻李一瀚一以妻應麒年二十領嘉靖四年鄉薦十四年成進士授吳江知縣

林孫撰

傳

縣多豪右爲民患應麒至輒收訊之會御史苟汝安按郡應麒晉謁汝安端坐不爲禮應麒

長揖徑出豪猾乘間搆之

康熙縣志

汝安大憾太常李莆石致書令其託人請罪應麒答以書曰內

省不疚得罪而去如值飄瓦如觸虛舟碎首隕身萬萬無怨又奚請爲遂被劾吏部侍郎歐陽

石岡抗疏論救聽勘數年迄無左證得降調二十一年改教職調六安州判官踰月遷國子監

助教二十六年調泰安州判官明年以山東巡撫都御史彭黯巡按御史傅鎮薦二十八年轉

金谿知縣次年陞雲南提舉尋陞惠州同知

傳林

吏事精敏剖斷如流入贖有貧者多蠲免之嘗

言訟貴速決留獄防民吾不忍也歲餘以母憂去

廣東通志

服闋將赴部爲江西巡按御史蘇端蒙

所劾端蒙潮州人應麒同知惠州時曾委探其家不法事銜之訶知其令金谿時爲副使鄭世威屬稿議革餽送等銀內引分宜進賢二縣歲費六千兩爲證爲嚴世蕃萬鏜所切齒遂劾之

以迎合二權貴意有旨罷閒

傳林

應麒弱冠登朝人皆嘖嘖豔之顧以才高不能下人且嫉惡過

甚以此備嘗艱危弗克展其用

康熙志

然雖放棄繫心國是遇大利害輒與所知慷慨指陳以示

可用隆慶五年仙居值編審吳時來貽應麒書有官寺民田均爲一則之說應麒以官寺田米與民田米起科懸殊覆書力言不可時來遂與當事定議官戶田三百當里長一民戶稍耗甚

者歸并之田去戶存者開除之僧田別立一圖不得雜編民戶於是戶有定籍賦無重差應麒

一書力也

傳林

少登王守仁之門又因應良謁鄒守益嘗與守益書言四十餘年聽誦訓規心皆

未嘗有所疑逆備遭頓挫險阻頗能不爲所困內省漠然遂自倚爲得力茲居田久閉戶觀心將種種習根冥搜曲索始覺從前祇仗口耳義諦禁縛塵情於一切拂逆境皆以頑空意識承

台州府志卷一百零三

接過去便自認爲得力實際誑已謾人罪過難贖年逾五十前路相逼朝未有聞夕豈可死爲

此悚懼若涉淵水其暮年所得如此

介山稿略

年七十八卒著有介山稿略二十卷

林傳

林貴兆字道行號白峯太平人嘉靖十九年舉人厭俗學紛靡專務窮理慕薛瑄陳獻章爲人

以生不同時爲恨聞臨海金賁亨倡道東浙往從之游以心性名節相砥礪授江西都昌知縣

時嚴嵩父子秉政

康熙縣志

以利風天下天下靡然從之民食艱而怨叛作貴兆憂之歎曰亂必自

縣令始蓋令財貨所由出也令不恣意克剝以悅其所私則民得安其所而禍本消矣由是一

意裁省爲疲氓休息計民頗安而當事多不便者貴兆知世不能容閱九月卽以疾告歸

自撰嘉志

齊記行李蕭然父老泣留之貴兆別以詩曰湖邊植柳維官騎柳未成陰官已去慇懃父老莫留

衣舊瓢曾掛衙前樹又云時艱無計緩徵輸一夜憂民髮已絲唱斷南風人不和空留春色到

棠枝士民思慕立祠

康熙縣志

貴兆既歸躬課耕妻執爨

嘉志齊記

給事梁夢龍以守道執法薦不起著

書樂道結社講約鄉人化之所居稱仁里卒年八十二門人私諡曰文貞先生著有四書申解

易經申義正志稿知我軒近說大學困知錄識知齊治五倫禮諸編祀都昌名宦祠

康熙縣志

同縣

王光字伯奎號定庵亦從金賁亨遊明心性之學卒林貴兆爲志其墓又有朱若虛字存誠號

雁洲力學有守與貴兆及光交早卒三台詩錄傳

國朝
洪熙揆字漢箋號惕菴臨海人若皋第四子三台詩錄志性端方好張伯行正誼堂全書參注稠疊

於朱子近思錄薛瑄讀書錄尤服膺日所行事必手笥記以自砥礪自言所學以居敬主靜爲

主以窮理力行爲功遇事則求諸心之所安無事則靜坐體認喜怒未發氣象同治縣志稿晚以貢

授鎮海訓導修文廟日與諸生講學詩錄序學使彭啓豐將疏薦之會遷去不果靈巖硯聞久圯

大吏飭修迄無成緒熙揆任其役八閱月而訖工溉田甚溥鎮海人勒石紀其功丁艱歸老幼

咸涕泣餞送建報德祠於靈巖祀之並祠名宦祠同治縣志稿居鄉有厚德詩錄傳修復郡城形勝同治

縣志稿請增臨海學額再補甯波府學訓導辭不赴著有困學編詩錄傳聰彝堂年譜家傳子承澤字

心淑歷官孝豐浦江教諭詩錄傳潛心性命之學教士以謹誠僞辨義利爲首務著有閱史管見

復性齋學則澹餘堂日鈔同治縣志稿

王藻字允琳乾隆縣志一字次居光緒縣志號又次黃巖人雍正初恩貢嘗遊當湖陸隴其門得理學正

傳歸而授徒講天人性命之理邑之名宿多出其門著有學庸奧義論孟津梁學使彭始傳見

台州府志卷一百一十三

之大加稱賞旌其廬曰學繼紫陽卒年八十三門人私謚曰文靖子式遠式金俱諸生乾隆縣志同

縣牟亦珙字顯及號璧田一號紹三乾隆六年拔貢生性純孝以親老不赴朝考生平精於儒

先性理之書著有學庸直解台詩三錄

沈光邦字廷颺號皆山臨海人康熙五十九年舉人考授內閣中書出補漳州同知未之任卒

黃河清撰傳光邦少穎悟能手製刻漏三角八角八綫算術因講求易理取河洛象數以探先後天

成卦源流參以消息乘除之法配以律呂適與六十四卦縱橫上下一一相生環轉自然其官

京師時僦居天壇謝絕交游公餘即閉戶鈎攷雖盛寒劇暑不少休初爲律呂卦義大成三卷

既而廣採旁徵增爲四卷名易律通解宋世榮律通解跋於諸家樂書自呂覽淮南史遷京房以至明

鄭世子皆有攷正乾隆三十八年詔徵天下遺書甄入四庫黃傳所爲詩亦多精思三台詩錄有皆

山堂集新縣志稿同時趙宗欽字緩齋太平人歲貢生穎悟博覽精河洛之學著有洪範續傳台詩三錄

張正宮字律旋天台人雍正二年舉人張正品撰行狀少以文學名有質問者反覆推解時人爲之語

曰張次雍萬石鐘謂扣無不應也然正宮雖於書無不讀而志則在於經營語學者曰文以明

道而道莫備於經不求經以言文譬植無根之木而欲其參天惡可得耶洪承訓撰傳或勸其持所

著書以謁公卿正宮曰昌黎上書至今以爲恥君子遇不遇名不名則有命焉

張炳撰傳

嘗病大全

繁蕪講章猥瑣乃融貫諸說一折以程朱爲四書學海二十卷大旨謂自有四子書以來至程

子始得其宗至朱子始窮其奧明永樂飭修大全當時羣臣昧於搜討惟據倪士毅通義大成

爲藍本異同雜收是非淆亂而朱子之學反晦自蔡虛齋作蒙引大闡厥旨存疑淺說翼注諸

書益從而發明之乃姚江出復噓金谿已熄之燄俾天下靡然向風浸淫百餘年而未止至陸

清獻撫拾羣說剖析於毫芒之間而朱子之說復明

四書學海自序

其於學術派別源流諸儒異同得

失言之甚晰又探三傳異同證漢以唐諸家說爲春秋說林十卷取歷代史志及通典通攷纂

其可資世用者爲要覽二十卷經濟策略十六卷

述行

正宮操行嚴密未嘗苟言笑

張傳

一言一動

於道義不失分寸以身爲學者則人有過不顯斥第變色危坐卽無不刻勵自新卒年五十一

洪傳同縣張汝化字存神

探訪冊

號一中諸生

康熙縣志

天姿明敏力學工文嘗讀周程張朱書歎曰爲

學而不研窮性理是爲俗儒乃悔從前之涉獵遂壹志窮經而尤精毛詩

探訪冊

著有葩經解督

學鄒旌其廬曰理學名儒

康熙縣志

卒年九十

探訪冊

周鑑字鏡初太平人學於同里金季琬充乾隆六年拔貢生以母老不赴廷試母歿臥柩側數

台州府志卷一百一十五

年初年擴撫經史爲文雄恣晚專意四子書尤精易學由李光第周易觀象上窮邵朱啓蒙及皇極經世奧旨終日正襟玩索有得則注於旁字皆楷正不敢苟性廉介脩脯外一介不取鄉閭高其行見者皆簪敬卒年八十餘

嘉慶縣志

有敬義堂學庸注解

三台詩錄傳

訓子編諸書

光緒太平志

施際清字緝熙號穆亭天台人生十月而父卒稍長每廢食泣事母盡孝母歿居殯廬遇大風雨弗離叔父乾象深憂之強挽歸歸卽影堂置苦塊痛不欲生

孫湘撰傳

母性畏雷每發聲趨至殯所大號雷止乃返服闋猶然

探訪冊

乾隆二十四年舉於鄉公車北上族人以其貧議舉祀田息

租廬之際清謝不取鬻已產以給資斧下第歸道出太湖遇盜時杭世駿陳兆崙咸同舟諸人走匿艙下際清獨坐船尾手書杯茗且啜且讀不爲動盜衆數十人相視不敢發有舟子橫甚世駿諸人欲鞭之際清曰此人神不守舍行尸坐肉未足校也是夕其人竟失足溺水死同人咸服其膽識

王葵撰小傳

三十七年大挑得教職明年署泰順教諭又明年改授武康值大旱祈禱不應際清沐浴具衣冠昭告社稷侵晨大雨百姓歡呼以事鐫級調署樂清訓導

孫傳

適縣令欲罪諸生際清爭之不得投効歸

三台詩錄傳

三任教職所至有作人聲其教先德行後文藝以身爲

率

孫傳

有門人浪遊爲際清所覺際清閉戶長跪以自罰其人懼泥首請罪設誓乃已

王傳

際清生

平砥言礪行安貞樂道肆力經史百家台詩錄兼精天文算法王傳嘗著紫霞閒言六十篇窮究物

理皆前人所未言孫傳先是齊召南在史館以數學論日月中生物之理楊農先鄭璣尺諸人競

稱之歸見際清商高篇輒欲自焚其稿而以獸之一角鳳之九苞贊之齊召南紫霞閒言跋戚學標謂其

書似騷似子似山經似楞嚴紫霞閒言序宋世榮謂其偶爾寄意之作猶不足以盡際清之詣台詩錄

爲文章援筆立就有求作傳志者卽令侍坐疾書與之王傳然際清雅不欲以文自名嘗曰無德

而有言思盜名沒世不有文字之禍必徵門祚之微紫霞閒言引又謂門人曰人到聞道後眼界自

別見得天地漸漸近來萬物漸漸親來太虛漸漸實來鬼神漸漸顯來又言吾戒謹一生惟恐

蹉跌魯又愚紫霞閒言跋一日比鄰失火將延及家人以財物爲急際清獨衣冠抱祖先栗主移別室火

卒滅其臨事倉卒不苟類如此卒言七十四孫傳從祀鄉賢祠冊探訪

戚學標字翰芳號鶴泉太平人姜文衡撰傳祖鳴鳳字啓周號亦崖好杜詩與同里金玉音黃巖王

譙爲詩文交著有拾遺碧珊諸集三台詩錄學標幼有異稟讀書目數行下年十七爲諸生既冠

從齊召南於萬松書院時內外生百餘人推學標爲高第弟子充乾隆三十年拔貢生三十九

年舉順天鄉試尋館曲阜孔繼涵家數年盡發其藏書而讀之姜傳見聞益廣師友極一時之盛

人物傳六 八 上海游民習勤所承印